

贛縣志卷四十

人物志

隱逸

古君子隱居求志行義達道其事殊其理一也然山林之士多入而不能出豈煙霞泉石之風致有不以蘿薜易簪纓者耶贛自晉唐後博學篤行不求聞達代有其人觀崆峒之山竹林之廬雪窗龍溪之咏清風高節千古邈焉固亦可以入獨行之傳矣

晉

朱鎮字世安贛縣人行履高潔風韻迥上晉太康中郡辟為主簿不就棲遲環堵灌園種竹終其身(舊志)

宋

陳炳字晦之結廬崆峒山中躬畊求志不求聞達與學者琢磨俱成雅器有文權十卷白

贛縣志

卷四十

隱逸

一

雲編二十卷包孝肅孫知瑞州時過虔師事之既歿名其墓曰文高表正學希入聖靜退不競深潛篤行祀鄉賢(萬姓統譜舊志)

鍾棐字子翼博學篤行為歐陽永叔尹師魯余安道曾子固所知蘇明允南遊至虔棐與弟概從之遊明允不飲酒每為設醴儂智高叛嶺南聲搖江右郡守曹觀欲籍民財為戰守備謀於棐棐曰智高必不敢過嶺無事而籍民民懼且走矣觀曰如緩急何棐曰同舟遇風胡越可使為左右手况吾民乎不幸而有急則官與民為一家夫孰非吾財者何以籍為觀悟而止蘇子瞻既自海南還訪棐已歿見其二子相持而泣作哀詞誄之(舊志)

陽孝本字行先博學高行宋熙寧中遊上庠休澣未嘗出外與左丞汝陽蒲宗孟交蒲盡市國學書與之攜歸隱於城西通天巖郡守林頤題曰玉巖蘇頌蒲宗孟皆以山林特起薦之孝本生平不娶蘇文忠軾過訪直造其室呼曰元德秀孝本曰予乃陽城之裔也不娶直欲肖祖耳故軾詩有人謂元德秀自稱陽道州之句贊其像曰道不二德不

孤無人所有有人所無世之爭者五天齋其三而界其二是以月計之不足而歲計之有餘隱遁二十年一時名士多從之遊崇寧中舉八行解褐爲國子錄再轉博士乞致仕朝廷寵以奉議郎直祕閣賜緋魚袋領宮祠以歸時郡人李存亦高年掛冠日與賦詠號崕峒二老晚得妾生二子每拊其首曰吾無以遺汝惟有書數千卷卒年八十四崇祀鄉賢(採宋史萬姓統譜)

李琪字元瑞博雅早有時名孫毅夫以女妻之崇寧中計偕京師阻疾而還遂高蹈不仕朝廷徵辟不應特褒養素處士之號(舊志)

謝陟明字彥昇力學有志操家貧遭母喪未葬隣偶失火勢且延燒陟明抱柩痛哭欲與俱焚隣人競來赴救及得全州郡辟舉皆不就登宣和三年進士以中原多故隱居貢水東終老不仕祀鄉賢(張府志)

龔毫不知何代人隱於贛名其山爲龔公山在贛與兩邑之交今寶華寺遺址也(張府志)

贛

卷四十

隱逸

二

孫勵字世舉立節季子涉獵經史尤工於詩年未弱冠隨兄灃從蘇軾遊氣節凜然臺府累舉不仕卜居延春谷環堵蕭然瓶無儲粟裕如也軾榜其廬曰竹林隱士

李存渾之子元豐己未進士不樂仕進與陽孝本同隱於通天巖讀書觴咏人號崕峒二老

王瑜號兆邱穎異闊達絕意仕進喪祭一準於禮嘗曰聖人不能違時盡忠國家雖言不用吾亦可以無憾卒年八十二廬陵周必大銘其墓曰草野逸民心在王室殆非尋常山林中人

明

宋策質直敦行誼教授鄉閭自號梅溪隱者宣德八年以懷材抱德薦不就嘗作雲窗四友吟以自適其子必明亦有父風(張府志)

呂禎字廷福自幼博學攻文詞成化間由鄉貢受睢寧丞之任甫五月以不能熾趨俛仰拂衣歸卜築於龍潭山之麓茆屋數椽日吟哦其間嘗言曰予無所用於世授陶靖節

去彭澤例歌歸去來而返初服躬畊之暇他無願慕不過眺水尋山傍花隨柳點景詩壇藏鬪酒社而已郡守重其人每歲鄉射之燕必禮爲大賓所著有龍溪清嘯百感詩餘畊餘錄稿

許騰蛟字龍友明季爲贛諸生以詩文名丙戌城破全家殲焉蛟獨得逸入寶華寺爲僧遂縱遊楚蜀不返二十餘年有爲其侍僧者於南嶽見之尙無恙此後不知所終

國朝

劉稷孫字文燦東韶人爲諸生性孝友父得痿痺疾扶持不離左右與兄弟和協若一人廣覽羣籍不事舉子業築畊廬別業聚書數千卷常泛彭湖下金陵沂蘇松千里齋糧就質名宿歸而杜門著述成家譜建祠立祭祀品式爲士類所推著畊廬雜俎二十卷